



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA
O DODJELI NAGRADE „GRAHAM BAMFORD“
(prijedlog)

Predlagač:
Komisija za izbor i imenovanja

Obrađivač:
Gradska služba za Gradsko vijeće

Sarajevo, februar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, 34/08 - Prečišćeni tekst) i člana 11. Odluke o priznanjima i nagradi Grada Sarajeva („Službene novine Kantona Sarajevo“, br. 34/10 - Prečišćeni tekst, 14/14, 31/14 i 11/20), Gradsko vijeće Grada Sarajeva na __. sjednici održanoj dana __.2021. godine, donijelo je

(*prijedlog*)

ODLUKU

O DODJELI NAGRADE „GRAHAM BAMFORD“

Član 1.

Dobitnica Nagrade „Graham Bamford“ je *Ausilia Inaudi* za iskazanu izuzetnu građansku hrabrost, solidarnost, humanost i altruizam.

Član 2.

Nagrada se dodjeljuje u obliku diplome uz novčanu nagradu.

Član 3.

Nagrada se uručuje se na Svečanoj sjednici Gradskog vijeća Grada Sarajeva.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Dr. Igor Gavrić

Broj: 01-GV-02- /21
Sarajevo, __. __.2021. godine



OBRAZLOŽENJE

PRAVNI OSNOV

Pravna osnova za donošenje ove odluke je sadržana u članu 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 - Prečišćeni tekst) kojim su utvrđene nadležnosti Gradskog vijeća Grada Sarajeva za donošenje Odluka o priznanjima i nagradama Grada Sarajeva.

U članu 11. stav 2. Odluke o priznanjima i nagradi Grada Sarajeva („Službene novine Kantona Sarajevo“, br. 34/10 - Prečišćeni tekst, 14/14, 31/14 i 11/20) je propisano da se Nagrada „Graham Bamford“ dodjeljuje pojedincima, građanima Bosne i Hercegovine i stranim državljanima, za iskazanu izuzetnu građansku hrabrost, solidarnost, humanost i altruizam, dok je u stavu 3. propisano da se Nagrada „Graham Bamford“ dodjeljuje u obliku diplome, uz novčanu nagradu čiju visinu utvrđuje Administrativna komisija Gradskog vijeća Grada Sarajeva.

Odredbama člana 15. stav 2. Odluke o priznanjima i nagradi Grada Sarajeva propisano je, između ostalog, da Gradsko vijeće donosi odluku o dodjeli Nagrade, a odredbama člana 12. i 13. Odluke o priznanjima i nagradi propisani su ovlašteni predlagači (između ostalog i gradonačelnik Grada Sarajeva) i sadržaj prijedloga.

RAZLOZI ZA DONOŠENJE

Gradonačelnik Grada Sarajeva podnio je prijedlog Komisiji za izbor i imenovanja Gradskog vijeća Grada Sarajeva za dodjelu Nagrade „Graham Bamford“ Ausilia Inaudi.

Podneseni prijedlog sa obrazloženjem, u prilogu je ove Odluke.

Komisija za izbor i imenovanja je razmotrila dostavljeni prijedlog i utvrdila Prijedlog Odluke o dodjeli Nagrade „Graham Bamford“, te ga upućuje Gradskom vijeću na razmatranje.

RJEŠENJA IZ PREDLOŽENE ODLUKE

Članom 1. se imenuje dobitnik Nagrade „Graham Bamford“.

Članom 2. se navodi da se Nagrada dodjeljuje u obliku diplome uz novčanu nagradu, dok se članom 3. navodi da se Nagrada uručuje na Svečanoj sjednici Gradskog vijeća Grada Sarajeva.

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

SREDSTVA ZA PROVOĐENJE ODLUKE

Sredstva za realizaciju ove odluke planiraju se u Budžetu Grada Sarajeva, a o visini Nagrade odlučuje Administrativna komisija Gradskog vijeća Grada Sarajeva, u skladu sa članom 11. Odluke o priznanjima i nagradi Grada Sarajeva.